

# *Budi* Pantun Klasik

MOHAMED NAIM DAUPI



[www.saujana.sg](http://www.saujana.sg)

## PANTUN BUDI (1)

*P*ulau Pandan jauh ke tengah,  
gunung Daik bercabang tiga;  
Hancur badan dikandung tanah,  
budi yang baik dikenang juga.



## PANTUN BUDI (2)

*Yang kurik kundi,  
yang merah saga;  
'Yang baik budi,  
yang indah bahasa.*



[www.saujana.sg](http://www.saujana.sg)



## PANTUN BUDI (3)

*P*isang emas dibawa belayar,  
masak sebiji di atas peti;  
Hutang emas boleh dibayar,  
hutang budi dibayar mati.



## PANTUN BUDI (4)

*B*unga melati bunga di darat,  
bunga seroja di tepi kali;  
Hina besi kerana karat,  
hina manusia tidak berbudi.



## PANTUN BUDI (5)

*D*ari Daik pulang ke Daik,  
sehari-hari berkebun pisang;  
Budi baik dibalas baik,  
dalam hati dikenang orang



## PANTUN BUDI (6)

*T*anam keladi tumbuh kelapa,  
terbit bunga pucuk mati;  
Budi tuan saya tak lupa,  
sudah terpaku di dalam hati.



## PANTUN BUDI (7)

*T*enang-tenang air di laut,  
sampan kolek mudik ke tanjung;  
Hati terkenang mulut menyebut,  
budi baik rasa nak junjung



## PANTUN BUDI (8)

*A*nak merak Kampung Cina,  
singgah berhenti kepala titi;  
Emas perak kebesaran dunia,  
budi bahasa tak dapat dicari



## PANTUN BUDI (9)

*B*aik-baik bertanama padi,  
jangan sampai dimakan rusa;  
*B*aik-baik termakan budi,  
jangan sampai badan binasa.



## PANTUN BUDI (10)

*A*nak beruk di tepi pantai,  
pandai melompat pandai berlari;  
Biar buruk kain dipakai,  
asal hidup pandai berbudi.



PANTUN BUDI (11)

*T*ingkap papan kayu bersegi,  
Sampan sakat di Pulau Angsa;  
Indah tampan kerana budi,  
tinggi bangsa kerana bahasa.



## PANTUN BUDI (12)

*B*andar baharu Seberang Perai,  
Gunung Daik bercabang tiga;  
Hancur badan tulang berkecai.  
budi yang baik dikenang juga.



## PANTUN BUDI (13)

*B*anyak padi perkara padi,  
padi yang mana ditanam orang;  
*B*anyak budi perkara budi,  
budi yang mana dikenang orang?



## PANTUN BUDI (14)

*Burung serindit terbang melayang,  
terbang hinggap di pohon nangka;  
Bukan ringgit dipandang orang,  
orang memandang budi bahasa.*



## PANTUN BUDI (15)

*L*imau manis dimakan manis,  
manis sekali rasa isinya;  
Dilihat manis dipandang manis,  
manis sekali hati budinya.

